



地

倭漢三才圖會

本之二十九

山草類

藥品

加
130
68



13

和漢三才圖會

同會
印

和漢三才圖會卷第九十二之本目錄

草類

△按凡草始生曰苗訓音妙和萌出曰芽訓音牙和枝葉豐盛曰茂音懋和訓花下拊曰萼音諤俗云含實曰繩音孕俗云花乃周禮注曰艾其繩則實不成又綴實底曰蒂音帶應劭曰木實曰果草實曰核音核又有核曰果無核曰疏時珍曰天造地化而草木生焉剛交于柔而成根莖柔交于剛而成枝幹葉萼屬陽華實屬陰由是草中有木木中有草得氣之粹者為良得氣之戾者為毒故有五形金木土五氣腥臭臊五色青赤黃五味酸苦甘五性寒熱溫五用升降浮神農嘗而辨之黃帝述而著之

神農本草經一百六十四種漢魏唐宋良醫代有增益除穀菜外凡得草屬之可供醫藥者六百一十種分類

和漢三才圖會 草類

和漢三才圖會

日山日芳日濕日毒日蔓日水日石日苔
本草綱目所載亦如有名味用之類省之而不出
三才圖會農政全書畫譜所載者兼本朝所見者出之
然未攻其功能者唯記形狀而已

藥品

凡諸藥多用草故字从艸今金石木土之劑皆為藥而
草木根梢收採惟宜秋末春初春初則津潤始萌未克
枝葉秋末則氣汁下降悉歸本根諺曰賣藥者兩眼用
藥者一眼服藥者無眼非虛語也豎不能識藥惟聽市
人市人又不辨究皆委採送之家傳習造作真偽好惡
並皆莫測

鐘乳醋煮令白
當歸酒酒取潤
以齋花亂人參
細辛水漬使直
蜈蚣朱足令赤
用木通混防已
黃芪蜜蒸為甜
古廣灰云死龍骨
首蓿根謂土黃薯

標蝟膠于桑枝
藿香米茄葉襍
麝香搗荔枝核攪

研石膏和輕粉
以薑黃言鬱金
嫩松稍為肉菘蓉

批杷葉代欬冬
草仁克草豆蔻
松脂混麒麟竭

西采代南木香
驢脚脛作虎骨
番硝和龍腦香

或半夏煮黃為玄胡索
或熬廣膠入蕎麵
炒作阿膠

或煮雞子及鯖魚枕為琥珀之類
巧詐百般為忌畏毒
甚致殺入歸咎用藥讀之本草綱目本草必
讀之說拾要記之

△按百草黑燒用鍋底墨陳倉米用三年米者雖不中不
遠以猿尾麋鹿茸以膠餡襍蜂蜜以黃獨為何首烏者
其用藥有何益耶

凡藥品來於中華者
大君命遣識藥人于長崎悉辨正
之以聽交易出於日本藥品
贗偽者嚴所禁止
藿香 黃芪 白欬 白芷 白鮮皮 桑寄生
常山 辰砂 滑石 阿膠 代赭石 爐眼石
右件倭藥不佳所以禁交易

官桂 大戟 茵陳 續斷 菊花 牛黃 白丁香

熊膽 虎膽 麝香 琥珀 阿仙藥 俗云 五加皮

右件藥贗偽多有所以禁賣偽藥

熟地黃 麴半夏 神麴 乾薑

右件藥修製宜隨古法如省略者禁賣

川烏頭偽名新附子 大風子油偽名雷丸油

倭當藥偽名胡黃蓮

右件藥自今以後用本名須賣買之

重目輕粉 平戶人參 熊野小人參

右件藥性功不佳所以禁賣買之

明曆四年法令其詳審如之然恐詐送者嘗綿密之擇求者每等開也蓋藥肆有言不欲價賤輒可得真者

六陳

狼毒 枳實 橘皮 半夏 麻黃 吳茱萸

陶隱居曰六種皆須陳久者良其餘須精新也

大黃 木賊 荆芥 芫花 槐花

李杲曰是等亦宜陳久不獨六陳也

名義

以時名者 迎春 半夏 夏枯草 款冬 忍冬

以人名者 杜仲 王孫 徐長卿 丁公藤 蒲公英

劉寄奴 何首烏 使君子

以物名者 洋羊藿 麋街草 鹿跑草

以地名者 常山 高良 天竺 迦南

以形名者 虎掌 狗脊 馬鞭 烏喙 鵝尾 鴨蹠

以性名者 益母 狼毒 預知子 王不留行 骨碎補

強名之者 沒藥 景夫 三七 無名異 威靈仙

沒右子

有南北土地之異

朝廷進御常有不時之花然皆藏土窖中四週以火逼之故隆冬時即有牡丹花計其工力一本至十數金此以難得為貴耳其不時之物非天地之正也北方花木過九月霜降後即掘地塹深四尺實花於其中周以草結密壘之春分後發不然即槁死矣南方攜入北地者如梅桂梔子之屬尤難過臘至茉莉則百無一存矣南方閩廣即茉莉薔薇酴醾山茶之屬皆以編籬以語西北之人未必信也

藥七情

○單行 ○相須 ○相使 ○相畏 ○相惡 ○相反 ○相殺

單行者

單方不用輔也

相須者

同類不可離也

相使者

我之佐使也

相惡者

奪我之能也

相畏者

受彼之制也

相反者

彼我交離必不和合

相殺者

創殺之毒也

單方不用輔也 如下人參與甘草 同類不可離也 知母與黃柏類上 我之佐使也 半夏使柴胡 奪我之能也 黃芪使茯苓 受彼之制也 人參惡白鮮皮 彼我交離必不和合 長生薑得之則不為毒 創殺之毒也 半夏反藜蘆

相反

十八種

- 人參 沙參 玄參 苦參 丹參 紫參 芍藥 細辛 以上藥反藜蘆蓬之便殺人 半夏 白芨 白斂 瓜樓 貝母

以上反烏頭與烏喙逢之便疾反

大戟 海藻 芫花 甘遂 以上反甘草

麝香與葱 石決明與雲母 並相反

藜蘆莫把酒米浸 如犯之都是苦

相畏

十九種

官桂與石脂 牙硝與三稜 川烏頭草烏頭與犀角

丁香與鬱金 硫黃與朴消 狼毒與密陀僧

水銀與砒霜 巴豆與牽牛 人參與五靈脂

忌鐵

二十四種

菖蒲 龍膽 茜根 五味子 栝樓 麻黃 香附子

芍藥 知母 牡丹 石榴皮 藜蘆 商陸 桑白皮

槐花 皂莢 雷丸 桑寄生 猪苓 山藥 蒺藜

桑茸 棟子 何首烏

忌銅

二種

辰砂 雄黃

忌銅鐵

四種

地黃 玄參 益母草 肉豆蔻

忌火

三十二種

青黛 犀角 茵陳 茜根 柴胡 木香 羚羊角

雲母 芒消 朴消 滑石 雄黃 菊花 禹餘糧

川芎 藍葉 乳香 甘松 桂心 丁子 鐘乳石

白檀 藿香 牛黃 薄荷 紫草 沈香 薰陸香

白芷 胡椒 麝香 檳榔

制不法母輕忽

芫花本利水無醋不能通
草菓消膨劫連壳反脹胸
蒲黃生通血熟補血運通
陳皮專理氣連白補胃中
草烏解風痺生用使人蒙

兼豆本解毒帶殼不見功
黑丑生利水遠志苗毒逢
地榆醫血藥連稍不住紅
附子救陰藥生用走皮風

人言燒過用諸石火煨紅而入醋能為未製皮必頂工

當歸頭止血尾破血

麻黃身發汗根止汗

蜜成於蜂蜜温而蜂寒

油生於麻麻温而油寒

穀屬金而糠之性熱

麥屬陽而麩之性涼

山茱萸補腎固精元

其核滑精故須去核

猪苓茯苓厚朴桑白皮之類

不去皮耗人元氣

栝子火麻益智草菓之類

不去皮令人心痞

人參桔梗常山之類

不去苗蘆令人嘔吐

遠志巴戟門冬蓮子烏藥之類

不去心令人煩燥

知母桑白皮天麥門冬地黃何首烏

犯鐵必患二消

服藥食忌

如羊犬狸肉者本朝人嘗
不食故忌之藥省不記之

有白朮蒼朮

勿食桃李雀肉胡荽大蒜青魚鮮等物

有荊芥

勿食河豚及一切無鱗魚蟹

有天門冬紫葳丹砂龍骨

忌鯉魚

有黃連桔梗烏梅胡黃連

忌猪肉

有土茯苓威靈仙

忌麩及茶

有茯苓茯神丹參

忌醋及一切酸

有地黃何首烏

忌雜薑葱

有常山 勿食生葱生菜

有甘草 勿食菘菜及海藻

有巴豆 勿食野猪肉

有半夏菖蒲 勿食飴糖

有牡丹 勿食蒜胡荽

有厚朴蓖麻 勿食炒豆

有當歸 勿食濕麩

有薄荷 勿食醃肉

有鼈甲 勿食莧菜

有檳榔 勿食橙橘

凡服藥不可多食生蒜胡荽生葱諸果油膩物

飲食禁忌

如牛馬羊犬者本朝人不食故省不記之

雞肉	忌蒜葱芥末糯米鯉野雞	沙饅	忌鯽魚笋
雉肉	忌蒼麥木耳胡桃鯽魚	蒼麥	忌雉肉猪肉
螃蠏	忌荊芥柿橘軟棗	木耳	忌雉肉野鴨
鰕子	忌雞肉猪肉	芥子	忌鯽雞鰕魚
綠豆	忌樵子殺人又忌鯉魚鮓	乾笋	忌沙饅鯽魚
胡桃	忌野鴨雉及酒	枇杷	忌熱麩
胡蒜	忌魚鱈魚鮮鯽魚雞	桃子	忌鰕肉
鰓肉	忌莧菜薄荷芥菜桃雞子	銀杏	忌鰕鱧
鯽魚	忌芥末蒜糖雞雉	楊梅	忌生葱
魚鮮	忌豆藿麥醬蒜綠豆	慈姑	忌菜苳
河豚	忌煤焙荊芥防風菊花桔梗甘草烏頭附子		

△按今人食雞肉多入葱蒜為臙呼名南蠻煮

又有食鯽鱈胡葱蒜和芥醋者

又有食野鴨臙入木耳椎茸之類者呼名教鳥

本草所謂鯽與芥菜同食成腫疾雞與生葱同食成蟲痔然則雖急不有害好食之者甚不可

相傳蒼麥與西瓜同食煩悶多至死又鰕鱧浸醋乃鰕鱧膨脹於腹中故使人煩悶也蓋西瓜似水而速降故先西瓜後蒼麥則無害乎今人每炙鰕鱧合蔥醋食之亦無害多食則必損人至死者有之

百草

本綱五月五日采百種草陰乾燒灰和石灰為團煨研厚金瘡止血亦傳犬咬又治腋臭及癩瘡已破各有又取百草花煮汁釀酒服之治百病或采百草花水漬泥封埋百日煎為丸卒死者納口中即活也

△按北鹿銜草以飴其壯蜘蛛齧辛以磨其腹虎中毒箭前
 食清泥而解之野豬中毒箭逐薺危而食覘五朝野會載
 蓋三獸之事未見之蜘蛛之所為予面見之犬中馬錢
 毒則吞水解之又蛇見蛤蜊之涎則避地不到又犬鼠
 共好油而見桐油則不敢近犬誤桐油物猶知藥與毒
 况於人乎

○寬永十四年十二月板倉上齋請紀伊亞相望請藥草
 根并核實於朝鮮國見于羅山文集

- | | | | | |
|----|----|----------------------|-----------------------|------|
| 沙參 | 丹參 | 藜蘆 | 續斷 | 烏頭 |
| 防己 | 白微 | 石楠葉 | 菴藺子 | 蜜蒙花 |
| 升麻 | 常山 | 佛耳草 | 白頭翁 | 黃蜀葵花 |
| 射干 | 馬藺 | 劉寄奴草 | <small>以上二十一種</small> | 前胡 |
| 薤 | 草薺 | 百部根 | 延胡索 | 胡黃連 |
| 鬱金 | 商陸 | 天仙藤 | 銀花胡 | 藜蘆 |
| 薑黃 | 漏蘆 | <small>以上十五種</small> | | |

山草類

- | | | | | | | |
|----|-----|-----|----|-----|------|----|
| 甘草 | 尾人參 | 羊角菜 | 桔梗 | 萎蕤 | 草薺蓉 | 天麻 |
| 黃芪 | 和人參 | 躍草 | 長松 | 知母 | 鎖陽 | 蒼朮 |
| 人參 | 沙參 | 薺危 | 黃精 | 肉蓯蓉 | 惠布里古 | 白朮 |

神農本草圖會 山草 卷九十九本 目錄八

狗脊
觀音草
仙茅
丹參
紫草
伊波奈之

貫衆
遠志
玄參
紫參
白頭翁

巴戟天
淫羊藿
地榆
王孫
山苻菜

和漢三才圖會卷第九十二之本

山草類 上卷

攝陽 城醫法橋寺島良安 尚順 編



甘草

唐音 カンツァウ
和名阿末木
其大美者名粉草

本綱春生青苗枝葉悉如槐高五六尺但葉端微尖而糙濇似有白毛七月開紫花似柰冬結實作角如相思角作一本生至熟時角折子扁如小豆極堅齒嚙不破根長者三四尺粗細不定皮赤色上有橫梁梁下皆細根也以大徑寸而結緊斷文者為佳謂之粉草其輕虛細小者不及

和漢三才圖會 山草類 卷九十二之本

之安南國甘草大者如柱土人以架屋不識果然否也
 氣味甘平厚可升可降陰中之陽也此草治七十二種
 乳石毒解一千二百般草木毒調和製藥有功故為國
 老經方少有不_レ用者猶如香中有沉香也凡使須去頭
 尾尖處其頭尾吐人苦參乾漆為之使惡遠志
 生用則氣平補脾胃不足而大瀉心火
 灸用則氣溫補三焦元氣而散表寒除邪熱去咽痛
 凡甘草性能緩急而又協和諸藥使之不爭故熱藥得
 之緩其熱寒藥得之緩其寒寒熱相雜者用之得其平
 凡中滿嘔吐酒客之病不可用甘草甘者令人中滿
 △按甘草出於南京陝西河東山西者為上皆稱之南京
 甘草出於福州者細脆帶微苦味又細而如稍者俗謂
 之藁手又大者名粉草俗謂之鞭手
 往昔日本有甘草延喜式云陸奧出羽常陸每年貢之
 如今絕不出雖希有而細硬不佳



黄耆 戴椹 戴椹 艾草
 王孫 百本
 諸藥之長故名
 倭名夜波良

本綱黃耆葉似槐葉而微尖小又似蒺藜葉而微濶大青
 白色開黃紫花大如槐花結小尖角長寸許根長二三尺
 以緊實如箭籬者為良嫩苗亦可燥淘茹食其子收之十
 月下種如種菜法亦可有數種
 白水黃芪 赤水黃芪 綿黃芪 木黃芪 土黃芪
 蓋白水赤水者共陝西之鄉名綿者出於山西沁州綿上
 故名或云用其皮折之柔軟如綿者為良乃謂之綿黃芪
 木黃芪者短而理橫今人多以首蓿根假之俗呼為土黃
 耆但堅而脆味苦冷入瘦黃耆柔而味甘冷入肥大異用
 者宜審木黃耆亦勿用

氣味甘微温氣 可升可降陰中陽也人參補中黃老實

表藥中補益呼為羊肉其用有五補諸虛不足益元

氣壯脾胃去肌熱排膿止痛活血內托陰疽為

瘡家聖藥也元氣弱肥白而多汗者止之虛熱無汗

則發之防風能制黃耆黃耆得防風其功愈大乃相畏


相使也伏苓為之使惡

△按今藥肆不論出處好惡皆號綿黃芪售之但擇取切

口黃色柔軟者可用是亦經年者為堅實而不佳故新

渡者良又出於倭者名富士黃耆經久則堅脆味亦不

甘疑此首蒼根矣不堪用故令售者禁止也



人參

じんじん

人蔘 人術

海腹 神草

黃參 地精

鬼蓋 土精

皺面還丹

本綱人參為藥切要與甘草同功有人參處上有紫氣

光星散而為人參實神草也根有手足面目如人者為神

生上黨今潞州也山谷及遼東高麗乃朝鮮也者為最上春生苗多於

深山背陰近根樹甚大下濕潤處初生小者三四寸許一

椹五葉四五年後生兩椹五葉未有花莖至十年後生三

椹年深者生四椹各五葉中心生一莖俗名之百尺杵三

四月有花細小如粟蕊如絲紫白色秋後結子或七八枚

如大豆生青熟紅自落

朝鮮人參猶來中國互市亦可收子於十月下種如種菜

法秋冬采者堅實春夏采者虛軟非地產虛實也偽者皆

以沙參薺危桔梗米根造作亂之沙參體虛無心而味甘淡

桔梗體堅有心而味苦人參體實有心而味甘苦近有以人參先浸取汁自燉乃

晒乾復售謂之湯參不任用

人參生時背陽故頻見風日則易蛀納新器中入細辛與

參相間收之密封可經年不壞一法用淋過竈灰晒乾罐

和藥三才圖會

收亦可

凡用時宜隔紙焙之熟用則氣溫並忌鐵器伏苓為之使
反藜蘆畏五靈脂惡皂莢黑豆入人參可去蘆不去則令
得升麻則補上焦之元氣瀉肺中之火
得茯苓則補下焦之元氣瀉腎中之火
得黃芪甘草則除大熱瀉陰火補元氣
得麥門冬則生脈得乾薑則補氣

凡血脫者用人參益氣則血自生藥品之聖也

△按人參可用不可用之病症本草諸家之辨論區區也

共不可偏執今時亦然焉一槩有泥其功不詳虛實而

動則人參多入用者稱之人參醫師

凡人面白或黃或青鰲悍者皆脾肺腎不足可用也面

赤或黑者氣壯神強不可用也

凡脈之浮而芤濡虛大遲緩無力沉而遲瀉弱細結代

無力者皆虛而不足可用也若弦長緊實滑數有力者

皆火鬱內實不可用也蓋此說可以為的據也

朝鮮人參 朝鮮北靛靛南境有大山名白頭山自然生

人參為最上其葉花與和人參相似而實異初青熟赤

圓如南天實其根似胡蘿蔔而白色使甘草汁蒸乾黃

色亦益其味頭邊有橫文體重實而中亦潤黃者為上

經年者大愈佳似人形者亦百斤中有一二本此雖有

神而不甚佳出於咸鏡道者潤白透明為極上最鮮

辨事人參 是亦白頭山之產出於靛靛而未知修治良

方故功稍劣

蝦手人參 右同蓋靛靛土地水不清毒多故其富像者

常浸人參於井中用其水更採出人參販之故帶飯色

而尾端曲似蝦形所謂湯人參之類乎

唐人參 即中華之產山西之潞安古之黨北京之永平雲

南之姚安共為上而下種植成故功不如朝鮮自然生

者其大者俗呼曰唐大

小人參 非大人參中擇出者而本自一種小者其根長
 一二寸許猶嬰粟與美人草近年不來俗以尾人參稱
 小人參者非也
 凡大人參老者則大而功勝嫩者小而力劣焉體輕虛色
 枯白者俗謂浮虛人參無効




尾人參

ひげんじん 俗稱
 小人參 俗稱

自此一類也俗
 以為大人參之
 髭細根者非也

△按尾人參朝鮮中華共有之蔓生而與人參一類異種
 者也高一二寸葉似人參而小蔓出於莖布地至處生
 根如草石蠶樣取其蔓根為藥纖者似葷薺故名髭
 人參每唐船皆將來之稱小人參性堅實其功勝於大
 人參之浮虛者



莖帶微葉
 葉大如掌

和人參

わかんじん 人參

和名加乃仁
 介久佐
 一名久末乃伊

△榜人參往昔本朝有之而中古不用之出於薩摩著名
 小人參一名節近年得唐人參種多植圖攝州平野庄
 多出之二月下種初生一莖三葉及長數椹皆三葉其
 葉厚潤有深刻而無筋畧似銀杏葉每八月中心抽一
 莖高三四尺開細白花如蓋似胡蘿蔔及胡蘿蔔花秋後
 結子細小亦似胡蘿蔔霜後枯宿根亦能生也九月採
 根如胡蘿蔔而淡白色以甘草汁蒸乾則能類人參但
 頭無橫文蘆頭不括縮耳功能亦不及故用者鮮
 和列吉野山中有自然生者又有得真朝鮮參種植者
 並其葉根與朝鮮不異然甚希而未足賣買



名參

沙參

白參 知母
羊乳 羊婆奶
虎鬚 苦心
鈴兒草

本細沙參處處山原有之二月生苗其葉如初生小葵葉而團扁不光八九月抽莖高一二尺莖上之葉則尖長如枸杞葉而小有細齒秋月葉間開小紫花長一二分狀如鈴鐸五出白蓋亦有白花者並結實大如冬青實中有細子霜後苗枯其根生沙地者長尺餘大一虎口黃土地者則短而小根莖皆有白汁八九月采者白而實春月采者微黃而虛小人亦往往執蕪壓實以亂人參但體虛輕鬆味淡而短耳
氣味甘微苦 厥陰本經藥又為脾經氣分藥及藜蘆味微苦補陰甘則補陽故肺寒者用人參肺熱者用沙參

代人參

人參體重實專補脾胃元氣因而益肺與腎故內傷元氣者宜 人參性溫補五臟之陽
沙參體輕虛專補肺氣因而益脾與腎故金能受火尅者宜 沙參性寒補五臟之陰雖云補五臟亦須借合臟之藥佐使相引而至也

△按沙參屈曲如卷細繩或有剝瀆防風皮卷成偽之或中裏偽者之類故繙亂而賣買故近年以來皆不卷屈



了之參

羊角菜

羊奶料
合鉢兒
細絲藤
過路黃
今云強人參
又云倭沙參

本綱沙參下陳藏器曰羊乳根如薺芫而圓大小如拳上有角節折之有白汁入取當薺芫苗作蔓折之有白汁農政全書云羊角菜生田野下濕地拖藤蔓而生莖色青白葉似馬兜鈴葉而長大又似山藥葉亦長大而青背頗白皆兩葉對生莖葉折之俱有白汁出葉間出萌開五瓣小白花結角似羊角狀中有白穰其葉味甘微苦

△按羊乳即沙參之別名也然陳氏所謂羊乳乃羊角菜而倭沙參也以有蔓為蔓人和州河州信州處處山中有之蔓生其莖葉共似初生薺藤及草薺葉八九月葉間開小白花亦有淡紫者形如鈴鐸根莖有白汁但宿根未經歲者則無花九十月採根斜殺之晒乾既乾則皮黃皺有橫文理如人參文尋常用之換人參最為沙參入用藥而有功嘗以為沙參之一類故代唐沙參者無異正代人參者不可也凡用人參也特可擇之如不能得朝鮮美者可使唐參也

尾人參勝於朝鮮唐參等浮虛者其次可用倭人參

とどりごさ 浴稱



躍草

△按本草時珍所謂沙參之形狀與此能合焉此草高尺許莖微赤色葉似小葵而兩兩對生三四月葉本開小花白色帶微赤狀似人著莖躍故俗為躍草其根細長



薺芫

ツイネ

薺芫 杏參
杏葉沙參
白麩根
甜桔梗
苗名隱忍

本綱其苗似桔梗根似沙參故往往以沙參齋菀通亂人參但齋菀春生苗苗高一二尺莖色青白葉似杏葉而小微尖而背白邊有又牙杪間開五瓣白盆子花根形如野胡蘿蔔頗肥皮色灰黝中間白毛又有開碧花者凡齋菀桔梗一類而甜苦二種也齋菀嫩苗味甘燻熟可食桔梗苗苦不可食此其異也

氣味甘寒能解百藥毒乃良品也而世不知用惜哉與諸毒藥共處毒皆自然解也虎中藥箭食清泥而解野豬中藥箭逐齋菀而食物猶知解毒何況人乎

△按齋菀和名佐木久佐奈一名美乃波出於河州金剛山者良紀州若山次之藝州廣島又次之峠岐及淺山中有之



白藥 梗草
齋菀

私名阿里乃比布木
今呼字音
不曰和名

本綱桔梗春生苗莖高尺餘葉似杏葉而長隨三四葉對生又有差互者嫩時亦可煮食夏開小花紫碧色頗似牽牛花秋後結子其根如指大黃白色

本草本經桔梗與齋菀為一物至別錄始出齋菀條分為二物然其性味功用皆不同根有心者桔梗無心者齋菀又苗苦者桔梗甜者齋菀

氣味厚苦辛輕平味陽中之陰升也入手太陰肺經氣分及足少陰腎經凡使須去頭上尖清肺氣利咽喉與甘草同行為舟楫之劑如大黃苦泄峻下之藥欲引至胃中至高之分成功須用辛甘之劑升之譬如鐵石入江非

舟楫不載所以諸藥有此一味不能下沉也

△按桔梗山野及人家多種之苗叢生無枝極其葉似杏葉而稍狹也本草綱目作階字誤背淡白有微毛自本至末差互生葉間開碧花凡以紫碧者為桔梗之正色又有白花者有紫白相間者有單葉有八重皆變於子種初無枝極剪折莖則生枝極其葉對生者亦有

仙節


長松

其功如松脂及仙節故有二名



本綱生山谷古松下其葉如松葉上有脂根色如薺葉長三五寸氣味類人參清香可愛山人服其葉云長年氣味甘微能治大風惡疾眉髮墮落百骸腐潰每以一

兩入甘草少許水煎服旬日即愈



黃精

ハシツシ

黃芝 戊巳芝
菟竹 救窮草
垂珠 野生薑
米脯 重樓
龍術 仙人餘糧

本綱黃精又名細格山野皆有之子亦可種其葉似竹而不尖或兩葉三葉四五葉俱對節而生莖梗柔脆本黃末赤四月開青白花狀如小豆花結子白如黍粒亦有無子者根如嫩生薑而黃色又其根橫行狀如菱粒俗米其苗燥熟泡去苦味食之名筆管菜二八月采根九蒸九暴作果黃黑色而甚甘美氣味甘平補中益氣除風濕安五臟久服輕身延年不飢補五勞七傷

博物志云昔黃帝問天老曰天地所生有食之令人不死

者乎天老曰太陽之草名黃精食之可以長生太陰之草名鉤吻不可食之入口立死人信鉤吻殺人不信黃精之益壽不亦惑乎

△按黃精一名於保惠美一名夜未惠美形狀華和相似而倭者味帶苦出於河州金剛山者良江州高島郡者次之武州耶澤又次之

今所獲者多萎蕤也藥肆取肥者為黃精瘦者為萎蕤又云黃色節高者黃精黃白色節低者萎蕤也

倭

救荒本草



三才圖會

萎蕤

ライスイ

本綱萎蕤山中有之莖幹強直似竹箭幹有節其葉如竹兩兩相值表白裏青三月開青花結圓實其根橫行似黃

- 蕨蕤 萎蕤
 - 女萎 萎香
 - 委萎 發行
 - 五竹 地節
- 和名惠美久佐 一云阿未奈

精差小黃白色性柔多鬚最難燥嫩葉及根可煮淘食氣味甘平 能升能降 陽中陰也 補中益氣 止消渴 潤心

肺補五勞七傷虛損腰脚疼痛目痛皆爛淚出黃精萎蕤二物功用大抵相近而萎蕤之功更勝則二物雖通用亦可

△按萎蕤河州金剛山之產其莖帶紫色葉似竹而厚脊不對生而向上花如星狀白色本末帶青結子



知母

ツウモリ

本綱知母生處處山上形似菖蒲而柔潤葉如韭至難死掘出隨生須枯燥乃止四月開青花如韭花八月結實實根根之旁初生子根形如蜃蛎之狀故名蜃蛎訛為知母

- 知母 貨母
- 連母 地參
- 蜃母 菴蓐
- 水參 苦心
- 兒草 蘇音

氣味辛苦寒氣 沉而降陰也腎經本藥入足陽明手太

陰其用有四瀉無根之腎火一療有汗之骨蒸二止虛

勞之熱三滋化源之陰四也下則潤腎燥而滋陰上則

清肺金而瀉火乃二經氣分藥也上行則長煎乾得

黃柏良忌鐵黃柏則是腎經血分藥故二藥必相須而

行行則長煎乾得行行則長煎乾得行行則長煎乾得行行則長煎乾得

△按知母和名夜其葉忌人手觸也花如惠而淡紫色

肉蓯蓉

肉松容
黑司命



シヨツヲレヨシ

本綱肉蓯蓉生河西陝西及鴈門是野馬精落地所生也
生時似肉三四寸根長尺餘切取中央好者三四寸繩
穿陰乾皮有松子鱗甲震亨疑之曰或云大木間及土壁

垣中多生乃知自有種類或疑其初生於馬廐後乃滋
殖如茜根生於人血之類是也

氣味甘微強陰益精氣命門相火不足者以此補之乃

腎經血分藥也蓋真者罕得人多以金蓮根或嫩松稍

鹽潤偽之又以草蓯蓉充之用者宜審

△按肉蓯蓉鹽漬來有如鱗甲者其真偽難辨


草蓯蓉

列當 栗當
花蓯蓉



ツアウツラシヨシ

本綱草蓯蓉原州秦州渭州靈州皆有之生巖石上暮春
抽苗莖圓白色其根與肉蓯蓉相類削去花壓扁代肉蓯
蓉功力殊劣
氣味甘溫 男子五勞七傷及陽事不興者良令人有子



鎖陽

さやう

ソウヤン

本綱鎖陽生肅州生鞞鞞田地野馬或蛟龍遺精久之發
 起如筆上豐下儉麟甲櫛比筋脉連絡絕類男陽中肉莖
 蓉之類或謂里之淫婦就而合之一得陰氣勃然怒長土
 人掘取洗滌去皮薄切晒乾以為藥功力百倍於菘蓉也
 疑此自有種類如肉菘蓉列當亦未必盡是遺精所生也
 氣味甘温 大補陰氣益精血利大便秘者勿用

あぶりこ

惠布里古

阿加須止字
天禮面低古

てあぶんのこ



△按惠布里古生鞞鞞地其處名加良不止高麗名北鞞夷
 島之北界也生沙濱中如鎖陽之類為大塊外灰白內
 白色似茯苓而不濃如枯菌理其味苦蝦夷松前人傳
 曰積聚疝氣一切腹痛等不用諸藥止用此皆愈也然
 虛病入宜斟酌



天麻

てんま

テンマク

赤箭 獨搖芝
 離母 赤箭芝
 神草 合離草
 定風草
 鬼督郵

本綱春生苗初出若芍藥獨抽一莖直上高三四尺如箭
 筴狀青赤色莖中空依半以上貼莖微有尖小葉稍頭生
 成穗開花葉赤色遠看如箭有羽四月月開花結實如豆粒
 大核作五六棱中有肉如麩日暴則枯萎其子名還箭子
 至夏不落却透虛入莖中落生土內
 其根皮肉汁大類天門冬惟無心脉爾去根五六寸有十
 餘子衛之似芋其根暴乾肉色堅白如羊角俗呼羊角夫
 麻蒸過黃皺如乾瓜者俗呼醬瓜夫麻皆可用形尖而空
 薄如玄參狀不堪用本草必讀云皮黃白肉明克者佳其羊角夫麻不堪用
 氣味甘暖 肝經氣分之藥肝虛不足者宜天麻川芎以
 補之其用有四治大人風熱頭痛一治小兒風癩驚悸
 二治諸風麻痺不仁三治風熱語言不遂四為治風之
 神藥故名定風草須別藥相佐使然後見其功
 △按赤箭和名平止平止之一乃天麻也出武州耶澤者
 良藝州廣島次之倭天麻者一莖一花而無枝葉為異



蒼木

赤木 仙木
 山薊 山精

ツアシチツ

本綱昔人止稱木不分蒼白自宋以來始分之處處山中
 有之茅山嵩山者為佳苗高二三尺其葉抱莖而生稍間
 葉似棠梨葉其脚下葉有三五又皆有鋸齒小刺嫩葉可
 茹夏開花淡紫碧色似刺薊花或有黃白色者入伏後結
 子至秋而苗枯根如老薑之狀旁有細根蒼黑色肉黃白
 色有油膏
 陰中陽
 蒼木葉細無極如老薑而膏多
 白木葉大有極根如鼓棹而膏少
 氣味甘辛烈溫而燥
 甘微苦溫而和
 共可并可降防風地榆為之使忌桃李松菜雀肉青魚

蒼木入_足太陰陽明太陽五經 治濕上中下皆有可用總
 解諸鬱凡補中除濕力不及白木寬中發汗功過白木
 又能除惡氣疰災疹今病疫及歲且人家往往燒蒼木
 以辟邪氣凡用時以米泔浸去其油

按中華之二木一類二種自明也倭之二木一物而宿
 根如老薑蒼色者為蒼木嫩根白色者為白木然藥肆
 皆誤以舊根稱白木以嫩根稱蒼木或蒼白相混不可
 不擇其苗高一二尺一朶三葉葉末鋸齒而有毛四五
 月開花青色秋結子大如小豆蓋生山中者葉硬有微
 刺栽人家者葉軟無刺其葉及根形香氣和漢相似而
 花色異且白木根形不似鼓旋然唯似謂雲頭木者耳
 出備後三原者良伊豫今治次之武州江戶藝州廣島
 與州仙臺者又次之

狗頭木

欵木

雲頭木



白木

のりごり

楊抱音山薺

馬薺 山薑

山連 抱薺

吃力伽城

和名平介良

本綱白木與蒼木一類二種而其草作極葉大於蒼木而有
 毛根如指大狀似抱抱之名但花實無異

白木入_陰太陽少陰厥陰六經 除濕益燥和中補氣其
 用有九溫中一去脾胃中濕二除胃中熱三強脾胃進

飲食四和胃生津液五止肌熱六四肢困倦嗜臥目不
 能開不思飲食七止渴八安胎九凡中焦受濕下利者

必須白木以逐水益脾非白木不能去濕非枳實不能
 消痞故枳木丸以之為君

浙木俗名雲種平壤頗肥大由糞力也易潤油其大
 如拳剖開暴乾謂之別木亦相不佳

和莫二十圖會 山薺 卷之九 木部 三

○欵木俗名狗頭木雖瘦小得土氣充也甚燥白勝于浙木
 △按唐白木多如鼓鼙者為佳近年有川白木者即是削
 木而所切片者不佳蓋古倭亦不分二木一解乎介良
 右所圖者楓本草必讀之繪然圖與名義稍有齟齬焉
 京師五条天神每除夜群集祈除疫社前有賣白木者
 皆求之去焉本草言歲且服蒼木之事與此合

百葉 系一及種のしをひきし此のいけらるる多し



倭狗脊
唐
初生芽
ケウスマツ

本綱狗脊生山野其苗尖細碎青色高一尺以來其莖細
 而葉花共兩兩對生正似大葉蕨比貫衆葉有齒回背背

強脊 扶筋
百枝 狗青
俗云世罕未以

光其根黑色長三四寸多岐似狗之脊骨大有兩指許肉
 青綠色一云無花但有一種

一種根黑色如狗脊骨 一種有金黃毛如狗形共入藥
 氣味微甜 治男女腰膝脚弱或痛者利老人最堅脊利
 俛仰並薺為之使惡敗醬 病後足腫者煎湯漬洗

△按狗脊生溪山中春月生莖如蕨而一莖無根莖末卷
 葉似握拳狀而小嫩莖取晒乾用時灑清水一宿去
 苦味再煮食之淡甘脆美也羽列秋田同最上之產佳
 既長則葉有鋸齒似貫衆而厚回背光兩兩對生附葉
 生細小花老則莖褐色如漆塗筋而長三四尺其根多
 毛但金毛狗形者希矣用藥則金剛山之產良

一種有大葉者俗呼曰鬼狗脊嫩芽亦不堪食
 凡狗脊貫衆之圖所出三才圖會而狗脊有二圖其
 形狀不似但本草綱目集解和漢無異耳



倭

唐

三才圖會



根

貫衆

クワシ

俗云山草

百頭草 鷓頭

貫渠 鳳尾草

貫節 黑狗脊

和名於途和良非

本綱貫衆生山陰近水處春生苗葉兩兩對生如狗脊及
 蕨而無鋸齒又似鳳尾而青黃色面深背淺莖幹三
 稜一根數莖冬夏不死四月有小白花七月實黑但少有
 花者其根曲而有尖背黑鬚叢簇亦似狗脊根而大狀如
 伏鴟春秋取根用藥三才圖會所圖狀狗脊貫衆草
 氣味苦微寒有毒能治諸血入中輕粉毒齒縫出血臭腫者
 貫衆黃連煎水入水片少許時時漱之
 △按貫衆俗云山草一名藟一名藟一名藟一名藟有大小二種大者葉
 長二尺余小者一尺許似蕨及狗脊而葉柔薄而青背
 白四時不死則冬枯莖幹三稜堅勁褐色根曲而如龍

黑鬚若人家園中植之不育實山草也藟來穗長裏白
 之名皆擬形狀以飾元且嘉祝之物蓋取長生不老之
 義乎一種有石長生如草倍形似貫衆見石草類



巴戟天

ハア、キツテン

不凋草 三蔓草

和名夜來比々良木

本綱巴戟天蜀中之產最佳多生山林內葉似茗經冬不
 枯內地生者葉似麥門冬而厚大至秋結實根如念珠有
 小孔堅硬但本有心乾縮時偶自落或抽去故中心空非
 自有小孔也又以紫色者為良而無紫色者采時或用黑
 豆同煮欲其色紫殊失氣味尤宜辨之又云括巴戟
 氣味微辛甘腎經血分藥強筋骨益精安五臟虛損病人
 加而用之覆盆子為之使惡丹參

和名夜來比々良木

有一種山稗根正似巴戟但色白土人采得以醋水煮之乃以雜巴戟莫能辨也但擊破視之中紫而鮮紫者偽也其中雖紫又有微白者有粉色而理小暗者真也
△按巴戟天往昔有出於本朝今乃無之皆用唐藥也多連珠者佳俗名數珠巴戟其葉如茗也如麥門冬也其異大也三才圖會之圖亦出二種雖謂山林人家之異未審



觀音草

名義未詳

△按觀音草葉似蘭葉而狹短又似石菖葉而無劍脊深青色四時不凋六月抽莖著小花作穗淡紫色花蕾可愛京師中元日用莖葉縛蓮飯蓋取觀音之名義乎

一種有白花者 是乃變於實生者也俗以為玩球風蘭愛其異稱之耳



遠志

苗名小草 萋繞 棘苑 細草

本綱遠志生山谷有大葉小葉二種莖葉似大青而小者其花紅是大葉也狀似麻黃而三月開白花者是小葉也根形如蒿根而黃色長者及一尺去心取皮一斤止得二兩如不去心則令人煩悶
氣味 苦溫 入足少陰腎經其功強志益精治善忘
蓋精與志皆腎經之所藏也腎精不足則志氣衰不能上通于心故迷惑善忘也能益智強志故名遠志



淫羊藿

イシヤツホツ 剛前

仙靈脾 放杖草
葉枝草 千兩金
乾雞筋 黃連祖
三枝九葉草

本綱淫羊藿生大山中一根數莖其莖粗如線高一二尺一莖二椹一椹三葉其葉長二三寸如杏葉及豆藿面光背淡甚薄而細齒有微刺經冬不凋四月開白花亦有紫花者碎小獨頭子五月采葉晒乾根紫色有鬚似黃連氣味甘香能益精氣堅筋骨三焦命門藥真陽不足者宜之久服使人好為陰陽有子嘗有淫羊一日百遍合蓋食此藿故名

△按淫羊藿和名宇無木奈出丹波船井郡山中形狀和漢無異但唐者莖中虛倭者中實

根



仙茅

獨茅茅九子
婆羅門參

スエシマリ

本綱仙茅生大山中葉青如茅而軟且畧潤面有縱文又似初生椶櫚秧高尺許至冬盡枯春初乃生四五月中抽莖四五寸開小花六出不結實其根獨莖而直大如小指下有短細肉根相附外皮稍粗褐色內肉黃白色此草始因西域婆羅門僧獻方於唐玄宗故呼為婆羅門參其功補如人參也

氣味辛溫有毒治風冷癱痺不能行益陽道苦補三焦命門之藥惟陽弱精寒稟賦素怯者宜之若體壯相火熾盛者服之反能動火中其毒舌脹出口至死忌鐵器及牛乳

根



ヒヨシスエシ

野脂麻

げんざん

黑參 玄臺

重臺 鹿腸

玄參

正馬 逐馬

馥章 鬼藏

本綱玄參二月生苗葉似脂麻對生又如槐柳而尖長有鋸齒細莖青紫色七月開花青碧色八月結子黑色又有白花者莖方大紫赤色而有細毛有節若竹者高五六尺其根一根五七枚有腥氣生青白乾即紫黑色宿根多地蠶食之故其中空

氣味苦微寒 足少陰腎經君藥治胃中氣氲之氣無根之火凡腎水受傷真陰失守孤陽無根發為火病者宜壯

承以制火故玄參與地黃同功治鼻中生瘡者玄參末

塗之惡黃芪乾薑大棗山茱萸反藜蘆

按玄參和名銅器之壺人喉表人目 往昔有出於本朝今乃無之皆用

撰之柔而中黑者佳堅而中帶赤者不佳

撰之柔而中黑者佳堅而中帶赤者不佳

王鼓 酸補

地榆

テイイ

和名阿夜女大無

俗云 二云衣比須



根

本綱地榆處處平原川澤皆有之宿根三月內生苗初生布地獨莖直上高三四尺對分出葉其葉似榆葉而稍狹細長似鋸齒狀青色七月開花如椹子紫黑色根外黑裏紅似柳根其根燒作灰能爛石故煮石方用之之茗時采其葉作飲亦好又可療 根氣味微苦酸微寒 沉而降陰中陽也除下焦熱治大小便血證止血取上截切片炒用其梢則能行血若虛寒人及水瀉白痢即未可輕使惡寒交閉冬治代指腫痛置煮地榆作湯漬之半日愈

△按地榆多用倭出金剛山者良高一二尺葉似小梅葉而小夏開花紫色千瓣圓似楊梅及千日紅狀



丹參

赤參 柳蠶草
逐馬 木半乳
山參 奔馬草

クニスエ

本綱丹參生山中二月生苗高一尺許莖方有稜青色一枝五葉葉如野蘇而尖青色有皺毛三月至九月開小花成穗紅紫色如蛾形中有細子根皮丹而肉紫大者如指長尺餘一苗數根此乃五參之一而五參配五臟人參入脾沙參入肺玄參入腎牡蒙入肝丹參入心其苦參則右腎命門之藥也古黑參紫參而稱苦參未達此義爾

丹參氣味

苦微寒

平而降陰中陽入手少陰厥陰之經心

與包絡血分藥也四物湯治婦人病不問產前產後經水多少皆可通用惟一味丹參散主治與之相同能破宿血補新血安生胎落死胎止崩中帶下調經脈其功大類四物當歸川芎芍藥故也蓋久服多服亦故應性熱其云微寒恐謬也良鹹水反藜蘆
△按丹參性昔本朝亦有之今則無之蓋調血之良藥古方多用之今用之者罕

根



紫參

牡蒙 衆戎
馬行 童腸
五鳥花

ツクスエ

和名知々乃波之症

本綱紫參苗長一二尺莖青而細其葉青似槐葉亦有似羊蹄者五月開花白色似蔥花亦有紅紫而似水菰者其

根乾時紫黑色肉帶紅白狀如小紫草
氣味苦寒入足厥陰肝臟血分藥故治諸血病及寒熱
瘡癩癰腫積塊之屬厥陰者良辛平夷



王孫

ワスラン

ぬいりくさ

牡蒙 黃孫
黃昏 單藕

和名沼波利文佐
又云五知波利

本綱王孫生山中其葉生顛頂似紫河車葉又似及已而
大根長尺餘皮肉亦紫色牡蒙與紫參同名也但古方所
用牡蒙皆為紫參後人所黃昏與合歡木同名用牡蒙乃王孫非紫參也不可
不辨

氣味苦平 療百疾補虛益氣主五臟邪氣寒濕痺四肢
痠疼膝冷痢疾金瘡破血生肌止痛

△按王孫丹參紫參皆有和名則性昔本朝有之明焉今

無識者惜哉特無毒之草而療病之功最大也然亦方
藥中用之者希也



紫草

ツラツアラ

紫丹 紫芙
茈蒨 地血
藟音 鴉街草

和名無良佐木

本綱紫草生山谷人家亦種之根紫色而可以染紫其苗
似蘭香莖赤節青二月開花紫白色結實白色秋月熟種
之法三月逐壟下子九月子熟時刈草春社前後采根陰
乾其根頭有白毛如茸未花時采則根色鮮明花過時采
則根色黯黑采時以石壓扁曝乾收時忌人溺及驢馬糞
並烟氣皆令草黃色
根氣味甘鹹 古方稀用今醫家多用入心包絡及肝經
血分其功長於涼血活血利大小腸故痘疹欲出未出

血熱毒盛大便閉澇者宜用之已出而紫黑便閉者亦
 可用得木香白木佐若已出而紅活及白陷大便利者
 切不可忌之

△梅紫草出於薩州者最佳南部羽州 秋田 遠州 中
 泉豫州 大洲 河州 山田 皆良但家種者不入藥用蓋整
 方雖曰紫草可用根若謂紫草茸則可用嫩苗葉
 深絹帛用紫根煎汁深之浸於木灰汁日

一方用換方木煎汁入綠礬少許深之浸於木灰汁成
 名之鷹爪紫經年色變

本草 紫草 根 葉 花 實 子 刺 毬 而 小 開 花 驗 白 色 葉 味 甘



白頭翁

胡主使者 野文人 奈何草
 和名於木木示久佐
 一云木示加久佐

本綱白頭翁生山谷及田野正月生苗作叢生狀似白微
 而柔細稍長葉生莖頭如杏葉上有細毛而不滑澤近根
 有白茸狀似白頭老翁根紫色深如葛葉其苗有風則靡
 無風而搖與赤箭及獨活同

根氣味苦温氣 厚味薄可外可降陰中陽也熱毒下痢紫血鮮
 血者宜之
 △按白頭翁今無識者別有翁草與此不同見下濕 草之下



山芥菜

俗云草牡丹

救荒本草云山芥菜生山野間苗高一尺餘葉似野蜀葵
 葉稍大而五叉又似地牡丹葉亦大葉中攏生莖又稍
 結刺毬如鼠粘子刺毬而小開花驗白色葉味甘

△按草牡丹，高一尺，葉畧似牡丹，四月開白花，似芍藥而單葉稍小。



伊波奈之

△按伊波奈之，江列三井寺，山中有之，苗高二三寸，葉大

如飄樹葉而不尖，揚地生，二月開小白花，似虎耳草花。

三月結子，如青大豆而圓，數顆攢生，如楊梅樣，裹於葉

交外，色青，內紫黑色，小兒剥皮食，味微酸。

無風而飄，與赤楮及歐前同。

本草綱目卷之九十五 山草 伊波奈之 苗高二三寸 葉大如飄樹葉 而不尖 揚地生 二月開小白花 似虎耳草花 三月結子 如青大豆而圓 數顆攢生 如楊梅樣 裹於葉交外 色青 內紫黑色 小兒剥皮食 味微酸 無風而飄 與赤楮及歐前同

